

terra morientium, sed ubi vita est aeterna, illic fiat omnibus horis intentio tua spes a. 799  
et desiderium tuum. Dic deo Christo: 'Anima mea desideravit te in nocte, et spiritus <sup>exeunte.</sup> Isai. 26, 9.  
meus in praecordiis vigilavit ad te'. Qui castra Christi custodiunt, vigilare debent et Luc. 12, 37.  
non dormire; quia vigilantibus et non desidia<sup>a</sup> torpentibus perpetui regni promitti-  
5 tur gloria.

Saepius tibi scripsissem, si vel fama narrasset mihi, ubi te cartula mea invenire  
valuisset<sup>1</sup>.

Tamen scripta est in corde meo memoria nominis tui cum stilo caritatis; non  
penna peritura, sed permanente suavitate<sup>b</sup>; saepius ingeminans<sup>c</sup> ex intimo cordis  
10 affectu: 'Quando erit illa dies, ut liceat mihi Aquilam amplectari<sup>d</sup> meum, et dulcibus<sup>e</sup>  
amplexibus colla constringere patris venerandi'<sup>2</sup>. Videsne, qualis est caritas vera?  
quae nulla longinquitate terrarum dividi poterit, nulla oblivione deleri, sed magis  
magisque adcrescit.

Felix anima, quae<sup>f</sup> Deum diligit, soluta ab huius saeculi nexibus, ut proficiat  
15 in veritatis soliditate, et perveniat ad beatitudinis divinae visionem, ubi est tranquilla  
laetitia et sine ulla perturbatione vita perpetua. Ad quam felicitatem, pater sancte,  
me precibus tecum deducere satage, ut in Christo fruamur caritatis perpetuae  
dulcedine.

Saluta ex meo nomine omnes sanctae Dei ecclesiae filios, qui vobiscum Deo  
20 deservunt; et scribe nomen meum in cordibus illorum piae petitionis affectu. Quorum  
nomina deus Christus in caelesti libro scribere iubeat, qui ait carissimis sui laboris <sup>ib. 10, 20.</sup>  
sociis: 'Gaudete, quia nomina vestra scripta sunt in caelis'.

Vivite<sup>g</sup> omnes feliciter in Christi benedictione, dilectissimi fratres.

## 186.

*Alcvinus Arnoni archiepiscopo Salisburgensi pro litteris muneribusque Roma sibi  
25 missis gratias agit, sinistram suspicionem a se amovet, Leoni papae, Paulino patriarchae,  
Petro archiepiscopo se commendari cupit, ad pacis restituendae studium hortatur.*

a. 799 exeunte.

*Codd. S 1 fol. 141—144 (S 1\* fol. 48'—53').*

*Edd. M 16, F 102, J 126. — Migne col. 366.*

30 VENERANDO PATRI AQUILAE EVANGELICAE ALBINUS SALUTEM.

Venerunt mihi dilectionis vestrae apices melle dulciores, auro obrizo gratiores,  
munusculis sigillatae<sup>a</sup> suavissimis, in quibus perpetuum sanctae caritatis vigorem in  
cordis vestri arcano agnovi, quam nec Alpina frigora<sup>3</sup>, nec Italici aestus subvertere  
potuerunt<sup>b 4</sup>, sed inter omnes saeculi huius diversitates et caliginosas tempestates  
35 quasi matutinus Lucifer<sup>5</sup>, semper nova exoritur. De qua et ipsa veritas ait: 'Mandatum <sup>Ioh. 13, 34.</sup>  
novum do vobis'. Novum; quia evangelicum: vetus; quia legale: in quo tota lex <sup>Matth. 22, 40.</sup>

<sup>a</sup>) desidię H, S 1.

<sup>b</sup>) suavitati H, S 1.

<sup>c</sup>) ingeminens H, S 1.

<sup>d</sup>) amplectare H, S 1.

<sup>e</sup>) dulcis H, S 1.

<sup>f</sup>) qui H, S 1.

<sup>g</sup>) Vivete H; Videte S 1.

186. <sup>a</sup>) sigyllatae S 1. <sup>b</sup>) poterunt S 1.

40 1) *Eo enim tempore Arno una cum aliis Caroli regis legatis Leonem III papam Romam reduxit.*  
*V. vit. Leonis III papae c. 20 (Lib. pontific. ed. Duchesne II, 6):* Hildebaldo et Arno reverendissimis  
archiepiscopis; *Ann. Maximinian. 799 (SS. XIII, 23):* per Hildibaldum et Arnonem archiepiscopos  
restituit. *J. Cf. Simson Jahrb. des fränk. Reiches unter Karl dem Gr. II, 186 n. 6, qui potius Arnonem*  
*tunc domi moratum esse censet.* 2) *Cf. supra p. 36, infra ep. 193.* 3) *Cf. supra p. 104: Alpium*  
45 *frigus.* 4) *In Italia igitur versabatur Arno.* 5) *Cf. infra ep. 283: quasi Lucifer inter stellas.*